



Komisija za izbor i imenovanja

Broj: 04-GV-02-879/22
Sarajevo, 19.05.2022. godine

ZAPISNIK O RADU
28. SJEDNICE KOMISIJE ZA IZBOR I IMENOVANJA
ODRŽANE 19.05.2022. GODINE

Prisutni:

1. Nihad Uk, predsjedavajući
2. Vedad Deljković, zamjenik predsjedavajućeg
3. Drago Jurić, član
4. Biljana Lazarević, članica
5. Adi Škaljić, član
6. Elvedin Korora, član

Odsutni: Almedin Miladin, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici su, u ime gradonačelnice, prisustvovali

- Elvir Hadžiahmetović, pomoćnik Gradonačelnice za lokalno poslovanje i
- Aida Bajramović, šef Odjeljenja za Kabinetske poslove u Stručnoj službi gradonačelnika

Predsjedavajući Komisije je u 14.30 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 27. sjednice Komisije za izbor i imenovanja Gradskog vijeća Grada Sarajeva održane 12.04.2022. godine.

Na prijedlog Predsjedavajućeg, Komisija za izbor i imenovanja je jednoglasno usvojila sljedeći **dnevni red**:

1. Nacrt Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva
2. Razmatranje teksta Nacrta Statuta Grada Sarajeva
3. Razmatranje inicijative gradskog vijećnika Ratka Orozovića, broj 01-GV-02-783-9-22 od 27.04.2022. godine
4. Tekuća pitanja



TAČKA 1.

Nacrt Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva

Uvodno izlaganje je podnio predstavnik Predlagača.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja sugeriše Gradskom vijeću da razmatra Nacrt Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva kako je predložen i uputi ga u javnu raspravu.

TAČKA 2.

Razmatranje teksta Nacrta Statuta Grada Sarajeva

Uvodno izlaganje je podnijela predstavnica Predlagača.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja nema primjedbi na tekst Nacrta Statuta Grada Sarajeva i sugeriše Gradskom vijeću da utvrdi Nacrt Statuta Grada Sarajeva kako je predložen i uputi ga u javnu raspravu.

TAČKA 3.

Razmatranje inicijative gradskog vijećnika Ratka Orozovića, broj 01-GV-02-783-9-22 od 27.04.2022. godine

Gradski vijećnik Ratko Orozović je obrazložio svoju inicijativu koja se odnosi na dodjelu posebne nagrade po filmskom režiseru Hajrudinu Šibi Krvavcu, autoru filma "Valter brani Sarajevo".

Potrebno je uzeti u obzir i prijedlog da se ova nagrada ustanovi kao nagrada za umjetnike svjetskog glasa. Također, potrebno je definisati da na konkursu za dodjelu nagrade mogu učestvovati umjetnici iz cijelog svijeta, te da fond nagrade odredi Gradsko vijeće koje bi imenovalo sedam članova žirija iz svih filmskih žanrova koji bi mogli biti i atašei za kulturu u ambasadama u Bosni i Hercegovini. Nagrada bi se dodjeljivala 09. maja, na Dan pobjede nad fašizmom, u prostoru željezničke stanice Bistrik, a počev od 2023. godine.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja podržava inicijativu gradskog vijećnika Ratka Orozovića i sugeriše Gradonačelnici da pripremi Nacrt Odluke u skladu sa iznesenim tekstom inicijative uz uvažavanje prijedloga iznesenih od strane gradskog vijećnika.

TAČKA 4.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALAČI KOMISIJE

Nihad Uk, s.r.

Predsjedavajući Komisije je u 15.00 sati zaključio rad 28. sjednice Komisije za izbor i imenovanja.